

續修四庫全書

水
木
四
木
木
木

《續修四庫全書》編纂委員會編

續修四庫全書

上海古籍出版社

二八六・史部・正史類

唐書合鈔二百六十卷首一卷 (清)沈炳震撰 唐書宰相世系表訂謫十二卷 (清)沈炳震撰

唐書合鈔補正六卷 (清)丁子復撰 (唐書合鈔卷三十九至卷九十九).....

90/827
E289/06

據中國科學院圖書館藏清嘉慶十八年海寧查世倓刻本影印原書版
框高二〇八毫米寬二九六毫米

唐書宰相世系表訂謠
唐書合鈔
唐書合鈔補正

〔清〕沈炳震撰

〔清〕沈炳震撰

〔清〕丁子復撰

唐書卷第三十九

志十五

樂三

貞觀二年太常少卿祖孝孫既定雅樂至六年詔褚亮虞世南魏徵等分制樂章其後至則天稱制多所改易歌辭皆是內出開元初則中書令張說奉制所作然雜用貞觀舊辭自後郊廟歌工樂師傳授多缺或祭用宴樂或郊稱廟辭二十五年太常卿韋緝令博士韋迥直太樂尚冲樂正沈元福郊社令陳虔申懷操等詮叙前後所行用樂章爲五卷以付太樂鼓吹兩署令工人習之時太常舊相傳有宮商角徵羽譟樂五調歌詞各一

唐書三十九

郊社樂章

一

卷或云貞觀中侍中楊恭仁妄趙方等所詮集詞多鄭衛皆近代詞人雜詩至緝又令太樂令孫元成更加整比爲七卷又自開元已來歌者雜用胡夷里巷之曲其孫元成所集者工人多不能通相傳謂爲法曲今依前史舊例錄雅樂歌詞前後常行用者附於此志其五調法曲詞多不經不復載之

冬至祀昊天於圜丘樂章八首

貞觀二年祖孝孫定雅樂貞觀六年褚亮虞世南魏徵等作此詞今行用

降神用豫和

上靈聰命兮膺會昌盛德殷薦叶辰良景福降兮聖德遠元化穆兮天庥長

皇帝行用太和

穆穆我后道應千齡登三處大得一居貞禮唯崇德樂以和聲百神仰止天下文明

登歌奠玉帛用肅和

闔陽播氣甄曜垂明有赫圓宰深仁曲成日麗蒼璧煙開紫營聿遵虔享式降鴻禎

迎俎入用雍和

欽惟大帝載仰皇穹始命田燭爰啟郊宮雲門駭聽雷

唐書三十九

郊社樂章

二

鼓鳴空神其介祀景祚斯融

酌獻飲福用壽和

八音斯奏三獻畢陳寶祚惟永暉光日新

送文舞出迎武舞入用舒和

疊壁凝影皇壇路編珠流彩帝郊前已奏黃鍾歌大呂還符寶祚昌年

武舞作用凱安

昔在炎運終中華亂無象鄴郊赤烏見邛山黑雲上大賚下周車禁暴開殷網幽明同叶贊鼎祚齊天壤

送神用豫和

歌奏畢兮禮獻終六龍馭兮神將昇明德感兮非黍稷
降福簡兮祚休徵

又郊天樂章一首

原注太常舊有此
辭名不詳所起

送神用豫和

蘋繁禮著黍稷誠徵音盈鳳管彩駐龍旂洪歆式就介
福攸歸送樂有闕靈馭遄飛

則天大聖皇后大享昊天樂章十二首

原注御撰

太陰凝至化貞耀蘊軒儀德邁娥臺敞仁高妣幄披捫
天遂啟極夢日乃升曦

瞻紫極望元穹翹至懇罄深衷聽雖遠誠必通垂厚澤

唐書三十九樂

郊社樂章二

降雲宮

乾儀混成冲遠天道下濟高明閭陽晨披紫闕太一曉

降黃庭圓壇敢申昭報方璧冀展虔情丹襟式敷衷懇

元鑒庶察微誠

巍巍叙業廣赫赫聖基隆菲德承先顧禎符萃眇躬銘

開武巖側圖薦洛川中微誠詎幽感景命忽昭融有懷

慙紫極無以謝元穹

朝壇霧卷曙嶺煙沈爰設筐幣式表誠心筵輝麗壁樂

暢和音仰惟靈鑒俯察翹襟

昭昭上帝穆穆下臨禮崇備物樂奏鏘金蘭羞委薦桂

醑盈斟敢希明德聿罄莊心

鶴浮九醞禮備三周陳誠非奠契福神猷

奠璧郊壇昭大禮鏘金拊石表虔誠始奏承雲娛帝賞

復歌調露暢韶英

荷恩承顧託執契恭臨撫廟畧靜邊荒天兵耀神武有

截資先化無爲遵舊矩禎符降昊穹大業光寰宇

肅肅祀典邕邕禮秩三獻已周九成斯畢爰徹其俎載

遷其實或升或降唯誠唯質

禮終肆類樂闋九成仰惟明德敢薦非馨顧慙菲奠久

駐雲軒瞻荷靈澤悚戀兼盈

唐書三十九樂

郊社樂章四

式乾路闢天扉迴日馭動雲衣登金闕入紫微望仙駕

仰恩徽

景龍三年中宗親祀昊上帝樂十首

降神用豫和

天之庥數歸盛唐顧惟菲德欽昊蒼選吉日兮表殷薦

冀神鑒兮降闔陽

皇帝行用太和

圓鍾宮

恭臨寶位肅奉瑤圖恒思解網每軫泣辜德慙巢燧化

劣唐虞期我良弼式贊嘉謨

告謝

圓鍾宮

得一流元澤通三御紫宸遠叶千齡運遐銷九域塵絕
瑞駢闕集殊祥絡繹臻年登慶西畝稔歲賀盈囷

登歌用肅和無射均之林鍾羽

悠哉廣覆大矣曲成九元著象七曜甄明珪璧是奠醢
酌斯盈作樂崇德爰暢咸英

迎俎用雍和圓鍾均之黃鍾羽

郊壇展敬嚴配因心孤竹簫管空桑瑟琴肅穆大禮鏗
鏘八音恭惟上帝希降靈歆

酌獻用福和圓鍾宮

九成爰奏三獻式陳欽承景福恭託明禋

唐書卷九 樂 郊社稷章

五

中宮助祭升壇圓鍾宮

坤元光至德柔訓闡皇風茅苒芳聲遠播斯美化隆容
範超千載嘉猷備六宮肅恭陪盛典欽若薦禋宗

亞獻兩鍾宮

三靈降饗三后配神虔敷藻奠敬展郊禋

送文舞出迎武舞入用舒和圓鍾均之中呂商

已陳粢盛敷嚴祀更奏笙鏞協雅聲璇圖寶厯欣寧謐
晏俗淳風樂太平

武舞作用凱安圓鍾均之無射徵

堂堂聖祖興赫赫昌基泰茂車盟津偃王帛塗山會舞

日啟祥暉堯雲卷征旆風猷被有截聲教覃無外

開元十一年元宗祀昊天於圓丘樂章十一首

降神用豫和圓鍾宮三成黃鍾角一成太簇徵
一成姑洗羽一成已上六變詞同

至矣丕構蒸哉太平授犧膺錄復禹繼明草木仁化覺
鸞頌聲祝宗陳德無媿斯誠

迎神用歆和

崇禋已備粢盛聿脩潔誠斯展鍾石方道

皇祖光皇帝室酌獻用長發黃鍾宮
原註詞同貞觀長發

太祖景皇帝室酌獻用大基太簇宮
原註詞同貞觀大基

代祖元皇帝室酌獻用大成姑洗宮
原註詞同貞觀大成

唐書卷九 樂 郊社稷章

六

高祖神堯皇帝室酌獻用大明蕤賓宮
原註詞同貞觀

太宗文武聖皇帝室酌獻用崇德夷則宮
原註詞同貞

觀崇德

高宗天皇大帝室酌獻用鈞天黃鍾宮
原註詞同光宅鈞天

義宗孝敬皇帝室酌獻用承和黃鍾宮

金相載穆玉裕重輝養德清禁承光紫微乾宮候色震
象增威監國方永賓天不歸孝友自衷溫文性與龍樓
正啟鶴駕斯舉丹展流念鴻名式序中興考室永陳彝
俎

皇帝飲福用延和 黃鍾宮

巍巍累聖穆穆重光奄有區夏祚啟隆唐百蠻飲澤萬國來王本枝億載鼎祚逾長

皇帝行用太和

郊壇齋帝禮樂祠天丹青寰宇宮徵山川神祇畢降行止重旋融融穆穆納祉洪延

登歌奠玉帛用肅和

止奏潛聆登儀宿轉大玉躬奉參鍾首奠簠簋聿升犧牲遞薦昭事聃若存存以俛

迎俎入用雍和

唐書三九樂 郊社樂章 七

爛雲普洽律風無外千品其凝九賓斯會禮樽晉燭純犧滌汰元覆攸廣鴻休汪濊

皇帝酌獻天神用壽和

六變爰闋八階載虔祐我皇祚於萬斯年

酌獻配座用壽和

於赫聖祖龍飛晉陽底定萬國奄有四方功格上下道冠農黃郊天配享德合無疆

飲福酒用壽和

崇崇太時肅肅嚴禋粢盛既潔金石畢陳上帝來享介福爰臻受釐合福寶祚惟新

送文舞出迎武舞入用舒和

祝史正辭人神慶叶福以德昭享以誠接六變云備百禮斯浹祀事孔明祚流萬葉

武舞用凱安

馨香惟后德明命光天保肅和崇聖靈陳信表皇道玉鉞初蹈厲金匏既靜好

送神用豫和

大號成命思文配天神光盱蠶龍駕言旋眇眇閭闔昭昭上元俾昌而大於萬斯年

皇帝還大次用太和

唐書三九樂 郊社樂章 八

六成既闋三薦云終神心具醉聖敬愈崇受釐皇邸迴蹕帷宮穰穰之福永永無窮

元宗開元十三年登封泰山祀天樂章十四首 原註

中書令燕國公張說作今行用

降神用豫和

六變第一夾鍾宮之一第二夾鍾宮之二第三夾鍾宮之三第四黃鍾宮第五太簇宮第六姑洗羽

款泰壇柴泰清受天命報天成竦皇心薦樂聲志上達歌下迎

億上帝臨下庭騎日月陪列星嘉祝信大禧馨澹神心醉皇靈

相百辟貢八荒九歌敘萬舞翔肅振振鏘皇皇帝欣欣
福穰穰

高在上道光明物資始德難名承春命牧蒼生寧寧謚太階平
天道無親至誠無鄰山川徧禮宮徵惟新玉帛非盛聰
明會貞正斯一德通乎百神

饗帝饗親維孝維聖緝熙懿德敷揚成命華夷志同笙
鏞禮盛明靈降祉感此誠敬

迎送皇帝用太和

孝敬中發和容外彰騰華照寓如昇太陽貞璧就奠元
靈垂光禮樂具舉濟濟洋洋

登歌奠玉帛用肅和

羽調

奠祖配天承天享帝百靈咸秩四海來祭植我蒼璧布
我元製華日徘徊神靈容裔

迎俎入用雍和

俎豆有祓潔粢豐盛亦有和美既戒既平鼓鍾管聲
作肅唱和鳴皇皇后祖賚我思成

酌獻用壽和

黃鍾宮

蒸蒸我后享獻惟賁躬酌鬱鬯跪奠明神孝莫孝乎配
上帝以親敬莫敬乎教天下爲臣

皇帝飲福用壽和

皇祖嚴配配享天皇皇降嘏天子萬年

送文舞出迎武舞入用舒和

商調

六鍾翕協六變成八佾徜徉八風生樂九韶兮人神感
美七德兮天地清

終獻亞獻用凱安

列祖順三靈文宗威四海黃鉞誅羣盜朱旗掃多罪戢
兵天下安約法人心改大哉干羽意長見風雲在

送神用豫和

夾鍾宮

禮樂終煙燎上懷靈惠結皇想歸風疾迴風爽百福來
衆神往

唐書三九樂 郊社樂章 十

正月上辛祈穀於南郊樂章八首
原註貞觀中禘
降神用豫和 原註詞同冬至圓丘

皇帝行用太和

原註詞同冬至圓丘

登歌奠玉帛用肅和
原註貞觀禮祀感帝用此
詞顯慶已後詞同冬至圓

履艮斯繩居中體正龍運垂祉昭符啟聖式事嚴禋聿
懷嘉慶惟帝永錫時皇休命

迎俎用雍和

殷薦乘春太壇臨曙八簋盈和六瑚登御嘉稷匪歆德
馨斯飫祝嘏無易靈心有豫

皇帝酌獻飲福酒用壽和 原註詞同冬至圓丘

送文舞出迎武舞入用舒和

玉帛犧牲申敬享金絲鉞羽盛音容庶俾億靈禋景福
長欣萬寓洽時邕

武舞用凱安 原註詞同冬至圓丘

送神用豫和 原註詞同冬至圓丘

季秋享上帝於明堂樂章八首 原註貞觀中褚亮等作今行用

降神用豫和 原註詞同冬至圓丘

皇帝行用太和 原註詞同冬至圓丘

登歌奠玉帛用肅和

唐書三十九卷 郊社樂章 十一

象天御宇乘時布政嚴配申虔宗禋展敬樽罍盈列樹
羽交暎玉幣通誠祚隆皇聖

迎俎用雍和

八牖晨披五精朝奠霧凝璇璣風清金縣神滌備全明
柔豐衍載潔彝俎陳誠以薦

皇帝酌獻飲福用壽和 原註詞同冬至圓丘

送文舞出迎武舞入用舒和

御展合宮承寶席席圓重館奉明靈偃武脩文九圍奉
沈烽靜柝八荒寧

武舞用凱安 原註詞同冬至圓丘

送神用豫和 原註詞同冬至圓丘

則天大聖皇后享明堂樂章十二首 原註御撰

外辦將出

總章陳昔典衢室禮惟神宏規則天地神用叶陶鈞
辰三春旦充庭萬宇賓顧已誠虛薄空慙馭兆人

皇帝行 黃鍾宮

仰膺祿數俯順謳歌遠安邇肅俗阜時和化光玉鏡
息金科方典典禮永戢干戈

皇嗣出入升降

至人光俗大孝通神謙以表性恭惟立身洪規載啟茂

唐書三十九卷 郊社樂章 十二

典方陳譽隆三善祥開萬春

迎送王公

千官肅事萬國朝宗載延百辟爰集三公君臣德合
水斯同睿圖方永周祚長隆

登歌 大呂均無射羽

禮崇宗祀志表嚴禋笙鏞合奏文物惟新敬遵茂典
擇良辰潔誠斯著奠謁方申

配饗

笙鏞間鳴玉文物昭清暉睟影臨芳奠休光下太微
孝思期有感明潔庶無違

履艮苞羣望居中冠百靈萬方資廣運庶品荷裁成神

功諒匪測盛德實難名藻莫申誠敬恭祀表惟馨宮音

由震位開平秩扇條風乘甲乙龍德盛鳥星出薦珪籩

陳誠實角音

赫赫離精御炎陸涓涓熾景開隆暑莫延神鑒俯蘭罇

式表虔襟陳簋俎徵音

律中夷則序應收成功宣建武儀表惟明爰申禮奠庶

展翹誠九秋是式百穀斯盈商音

葭律肇啟隆冬蘋藻攸陳饗祭黃鍾既陳玉燭紅粒方

殷稔歲羽音

唐書三十九卷 郊社樂章 二十三

孟夏雩祀上帝於南郊樂章八首原註貞觀中褚亮等作今行用

降神用豫和原註詞同冬至圓丘

皇帝行用太和原註詞同冬至圓丘

登歌奠玉帛用肅和

朱鳥開辰蒼龍啟運大帝昭饗羣生展敬禮備懷柔功

宣舞詠旬液應序年祥叶慶

迎俎用雍和

紺筵分彩瑤圖吐絢風管晨凝雲歌曉嘯肅事積藻虔

申桂奠百穀斯登萬箱攸薦

皇帝酌獻飲福酒用壽和原註詞同冬至圓丘

送文舞出迎武舞入用舒和

鳳曲登歌調令序龍雩集舞泛祥風綵旄雲迴昭睿德

朱干電發表神功

武舞用凱安原註詞同冬至圓丘

送神用豫和原註詞同冬至圓丘

又雩祀樂章二首原註太樂舊有此詞不詳所起或云開元初造

降神用豫和

鳥緯遷序龍星見辰純陽在律明德崇禋五方降帝萬

寓安人恭以致享肅以迎神

送神用豫和

唐書三十九卷 郊社樂章 二十四

祀遵經設享緣誠舉獻畢於樽徹臨於俎舞止干戚樂

停祝故歌以送神神還其所

祀五方上帝於五郊樂章四十首原註貞觀中魏徵等作今行用

祀黃帝降神宮音

黃中正位含章居貞既彰六律兼和五聲畢陳萬舞乃

薦斯牲神其下降永祚升平

皇帝行用太和原註詞同冬至圓丘

登歌奠玉帛用肅和

渺渺方輿蒼蒼圓蓋至哉樞紐宅中圖大氣調四序風

和萬績祚我明德時雍道泰

迎俎用雍和

金縣夕肆玉俎朝陳饗薦黃道芬流紫宸迺誠迺敬載
享載禋崇薦斯在惟皇是賓

皇帝酌獻飲福用壽和 原註詞同冬至圓丘

送文舞出迎武舞入用舒和

御徵乘宮出郊甸安歌率舞遞將迎自有雲門符帝賞

猶持雷鼓答天成

武舞用凱安 原註詞同冬至圓丘

送神用豫和 原註詞同冬至圓丘

祀青帝降神 角音

唐書三十九卷 郊社稷第三

鶴雲旦起鳥星昏集律候新風陽開初蟄至德可饗行
潦斯挹錫以無疆蒸人乃粒

皇帝行用太和 原註詞同冬至圓丘

登歌奠玉帛用肅和

元鳥司春蒼龍登歲節物變柳光風轉蕙瑤席降神朱
絃饗帝誠備祝嘏禮殫珪幣

迎俎用雍和

大樂希音至誠簡禮文物斯建聲名濟濟六變有成三
登無體迺眷豐潔恩覃愷悌

皇帝酌獻飲福用壽和 原註詞同冬至圓丘

送文舞出迎武舞入用舒和

笙歌籥舞屬年韶鷺鼓鳧鍾展時豫調露初迎綺春節
承雲邁踐蒼霄馭

武舞用凱安 原註詞同冬至圓丘

送神用豫和 原註詞同冬至圓丘

祀赤帝降神 徵音

青陽告謝朱明戒序延長是祈敬陳椒醑博碩斯薦笙
鏞備舉庶盡肅恭非馨稷黍

皇帝行用太和 原註詞同冬至圓丘

登歌奠玉帛用肅和

唐書三十九卷 郊社稷第三

離位克明火中宵見峰雲暮起景風晨扇木槿初榮含
桃可薦芬馥百品鏗鏘三變

迎俎用雍和

昭昭丹雘奕奕炎方禮陳牲幣樂備篴簧瓊羞溢俎玉
醑浮觴恭惟正直欽此馨香

皇帝酌獻飲福用壽和 原註詞同冬至圓丘

送文舞出迎武舞入用舒和

千里溫風飄絳羽十枝炎景勝朱干陳觴薦俎歌三獻
拊石縱金會七盤

武舞用凱安 原註詞同冬至圓丘

送神用豫和

原註詞同冬至圓丘

祀白帝降神

商音

白藏應節天高氣清歲功既阜庶類收成萬方靜謐九
土和平馨香是薦受祚聰明

皇帝行用太和

原註詞同冬至圓丘

登歌奠玉帛用肅和

金行在節素靈居正氣肅霜嚴林凋草勁豺祭隼擊潦
收川鏡九穀已登萬箱流詠

迎俎用雍和

律應西成氣躔南呂珪幣咸列笙竽備舉苾苾蘭羞芬

芬桂醑式資宴貺用調霜序

皇帝酌獻飲福用壽和

原註詞同冬至圓丘

送文舞出迎武舞入用舒和

璿儀氣爽驚緹籥玉呂灰飛含素商鳴鞀奏管芳羞薦
會舞安歌葆眊揚

武舞用凱安

原註詞同冬至圓丘

送神用豫和

原註詞同冬至圓丘

祀黑帝降神

羽音

嚴冬季月星迴風厲享祀報功方祈來歲

皇帝行用太和

原註詞同冬至圓丘

登歌奠玉帛用肅和

律周玉琯星迴金度次極陽烏紀窮陰兔火林霰雪湯
泉凝迤八蜡已登三農息務

迎俎用雍和

陽月斯紀應鍾在候載潔牲牷爰登俎豆既高既遠無
聲無臭靜言格思惟神保佑

皇帝酌獻飲福用壽和

原註詞同冬至圓丘

送文舞出迎武入用舒和

執籥持羽初終曲朱千玉鉞始分行七德九功咸已暢
明靈降福具穰穰

武舞用凱安

原註詞同冬至圓丘

送神用豫和

原註詞同冬至圓丘

又五郊樂章十首

原註太樂舊有此詞不詳所起

黃郊迎神

朱明季序黃郊王辰厚以載物甘以養人毓金爲體稟
火成身宮音式奏奏以迎神

送神

春末冬暮徂夏杪秋土王四月時季一周黍稷已享籩
豆宜收送神有樂神其賜休

青郊迎神

緹幕移候青郊啟蟄淑景遲遲和風習習璧玉宵備旌
旄曙立張樂以迎帝神其入

送神

文物流彩聲明動色人竭其恭靈昭其飭歆薦無已垂
禎不極送神有章惟神還軾

赤郊迎神

青陽節謝朱明候改靡草彫華含桃流彩簠列鍾磬延
陳脯醢樂以迎神神其如在

送神

炎精式降蒼生攸仰羞列豆籩酒陳犧象昭祀有應宜

唐書二十九卷

正史類

九

其不爽送樂張音惟靈之往

白郊迎神

序移玉律節應金商天嚴殺氣吹警秋方標燎既積稷
奠竝芳樂以迎奏庶降神光

送神

祀遵五禮時屬三秋人懷肅敬靈降禎休奠歆旨酒薦
享珍羞載張送樂神其上遊

黑郊迎神

元英戒序黑郊臨候掌禮陳彝司筵執豆寒雰斂色近
泉凝漏樂以迎神八音斯奏

送神

北郊時列南陸輝處奠本虔誠獻彌恭慮上延祉福下
承歡豫廣樂送神神其整馭

祀朝日樂章八首

原註貞觀中
作今行用

降神用豫和

原註詞同冬至圓丘

皇帝行用太和

原註詞同冬至圓丘

登歌奠玉帛用肅和

惟聖格天惟明饗日帝郊肆類王宮戒吉珪奠春舒鍾
歌曉溢禮云克備斯文有秩

迎俎用雍和

唐書二十九卷

郊社樂章

二

晨儀式薦明祀惟光神物爰止靈暉載揚元端肅事紫
幄典祥福履攸假於昭令王

皇帝酌獻飲福用壽和

原註詞同冬至圓丘

送文舞出迎武舞入用舒和

崇牙樹羽延調露旋宮叩律掩承雲誕敷懿德昭神武
載集豐功表睿文

武舞用凱安

原註詞同冬至圓丘

送神用豫和

原註詞同冬至圓丘

又祀朝日樂章二首

原註太樂舊有
此辭不詳所起

迎神

太陽朝序王宮有儀蟠桃彩駕細柳光馳軒祥表合漢
麻彰奇禮和樂備神其降斯

送神

五齊兼飭百羞具陳樂終廣奏禮畢崇禋明鑒萬寓昭
臨兆人永流洪慶式動曦輪

祀夕月樂章八首

原註貞觀中
作今行用

降神用豫和

原註詞同冬至圓丘

皇帝行用太和

原註詞同冬至圓丘

登歌奠玉帛用肅和

測妙爲神通微曰聖坎祀貽則郊禋展敬璧薦登光金

唐書三九樂

郊社樂章三

歌動睽以載嘉德以流曾慶

迎俎用雍和

朏晨爭舉天宗禮闕夜典涼秋陰明湛夕有醑斯旨有

牲斯碩穆穆其暉穰穰是積

皇帝酌獻飲福用壽和

原註詞同冬至圓丘

送文舞出迎武舞入用舒和

合吹八風金奏動分容萬舞玉卽驚詞昭茂典光前烈

夕曜乘功表盛明

武舞用凱安

原註詞同冬至圓丘

送神用豫和

原註詞同冬至圓丘

禮百神樂章八首

原註貞觀中
作今行用

降神用豫和

原註詞同冬至圓丘

皇帝行用太和

原註詞同冬至圓丘

登歌奠玉帛用肅和

序迫歲陰日躔星紀爰稽茂典聿崇清祀綺幣霞舒瑞

珪虹起百禮垂裕萬靈薦祉

迎俎用雍和

緹籥勁序元英晚候姬禘開儀幽歌入奏蕙馥彤俎蘭

芬玉酎大饗明祇永綏多祐

皇帝酌獻飲福用壽和

原註詞同冬至圓丘

唐書三九樂

郊社樂章三

送文舞出迎武入用舒和

經緯兩儀文化治削平萬域武功成瑤紆自樂乾坤泰

玉鉞長歡區縣寧

武舞用凱安

原註詞同冬至圓丘

送神用豫和

原註詞同冬至圓丘

又禮百神樂章二首

原註太樂舊有
此辭不詳所起

迎神

原註今
不行用

八禘開祭萬物咸祀上極天維下窮坤紀鼎俎流醴樽

彝薦美有靈有祇咸希來止

送神

原註今
行用

十旬歡洽一日祠終澄燹拂俎報德酬功慮虔容肅禮辱儀豐神其降祉整馭隨風

夏至祭皇地祇於方丘樂章八首

原註貞觀中褚亮等作

迎神用順和

萬物資以化交泰屬升平易從業惟簡得一道斯寧具儀光玉帛送

疑作送

舞變成英黍稷良非貴明德信惟馨

皇帝行用太和

原註詞同冬至圓丘

登歌奠玉帛用肅和

至矣坤德皇哉地祇開元統紐合大承規九宮肅列六典相儀永言配命長保無虧

唐書三十九卷

禮記卷三

迎俎用雍和

柔而能方直而能敬厚載以德大亨以正有滌斯牲有馨斯盛介茲景福祚我休慶

皇帝酌獻飲福用壽和

原註詞同冬至圓丘

送文舞出迎武舞入用舒和

玉幣牲牷分薦享羽旄干戚遞成容一德惟寧兩儀泰三才保合四時邕

武舞用凱安

原註詞同冬至圓丘

送神用順和

陰祇叶贊厚載方貞牲幣具舉簫管備成其禮惟肅其

德惟明神之聽矣式鑒虔誠

則天皇后永昌元年大享拜洛樂章十五首

原註御撰

設禮用昭和

九天眷命三聖基隆奉成先旨明臺畢功宗祀展敬冀表深衷永昌帝業式播淳風

致和

神功不測兮運陰陽苞藏萬宇兮孕八荒天符既出兮帝業昌願臨明祀兮降禎祥

咸和

坎澤祠容備舉坤壇祭典爰伸靈睴遙行祕躅嘉祝薦

唐書三十九卷

禮記卷三

三

委殊珍肅禮恭禋載展翹襟懇志逾殷方期交際懸應

原註末一句逸

乘輿初行用九和

祇荷坤德欽若乾靈慙惕罔寘興居匪寧恭崇禮則肅奉儀形惟憑展敬敢薦非馨

拜洛用顯和

非躬承睿顧薄德忝坤儀乾乾遵後命翼翼奉先規撫俗勤雖切還淳化尙虧未能宏至道何以契明祇

受圖用顯和

顧德有慙虛菲明祇屢降禎符汜水初呈祕象溫洛薦